

疫喉
浅論

邦上夏春農手定

疫喉淺論

存吾春齋藏板

光緒己卯
仲春新鐫

疫喉淺論序

古書之論治疫者多矣而罕及於喉論治喉者詳矣而罕及於疫喉疫喉者迺天地之癘氣人受之於口鼻蓄久而發者也陽氣內蘊本易生熱況兼以疫邪此時溫散非宜概涼不可咽喉要隘爲其阻塞勢不可緩以須與非膽識兼優安能動中竅要乎 春農先生早歲卽以醫名於時於疫喉一症尤屬舉手輒效心竊異之近讀疫喉淺論一書具見救世婆心非獨醫家之寶筏也按喉爲君相二火往來孔道氣火內結卽成爲痺若癘氣雜擾則機竅更易

閉塞矣此自宜開通肺胃俾邪外達爲極上上着 先生
立法首用辛涼透達則輕者自愈重者亦可減輕譬諸勦
寇當速使解散而不可任其內竄也次則用清涼化毒重
則用攻下去壅總使邪有出路臟腑清甯真爲探原扼要
而又慮津液耗竭輔以甘潤一門斯爲晰理極精無法不
備醫疫喉也可醫瘟疫諸症亦可於此而會其歸矣吾知
是書一出俾讀者知辛溫升散乃治傷寒之理而不可施
之於疫喉痧甘潤滋陰乃治內傷喉痛之理而不可施之
於初起之疫喉痧本此以仁壽斯民 先生之功亦偉矣

哉

光緒壬寅年秋九月

丹徒後學鄭熙拜序

疫喉淺論序

甚矣感症之繁雜氣每多於常氣也昔吳又可序溫疫固嘗謂溫疫實多於傷寒而不謂近世以來風氣遷更雜疫之多更甚常疫汪商彝彙編瘟疫於常疫外特補雜瘟須知一卷彙集證候計六十四則如大頭軟脚蝦蟆瓜瓢捻頸麻脚疙瘡化金等症初讀之覺其踵事增華且究其大旨端不外辨脈篇中清邪中上濁邪中下陰陽二氣孰爲前通之變似乎不必臚列名色眩後學之眼目及再思之乃知其不得不爾也蓋常疫人所共知雜疫人所難測當

倉猝之際苟不識此病爲何名復不諳此病之治法臨時雖博攷窮摻而病不待必至趑趄展轉坐以待危甚或依經創解以意爲之苟非頂門之金針鮮有不敗厥事者此雜瘟一卷誠不可少而六十四症足爲臨症者備極未覩之奇矣然而尙有繼來者如吊脚痧盛行於道光辛巳徐子默著論于江南疫霍亂大行于咸豐末年王夢隱重訂十瀉上是亦雜疫也亦補古來證治所無也同治甲戌春示過揚州晤夏君春農謂郡中盛行爛喉丹痧由秋徂春沿門比戶天折頗多從古以來旣無定法而俗尙溫熱又

恐於病機未能盡洽心實憂之并出所著疫喉論一篇見
示謂欲補形證治法而未遑也予亦憫非辜之橫折慨成
法之難稽因憶此症吳醫彙講中繆唐祖李諸君并瘍科
心得集蓋嘗言之惜治法未備嘉慶間虞山陳耕道著有
疫痧草一帙分列四法梗概稍詳似可暫濟世用然予久
欲推廣陳氏之說于陳氏補治之外復補未備苦無暇晷
今年春重至揚州而春農已將疫喉之形證治法羅列編
輯哀然成帙屬余序其事余旣自愧其所志之未逮而更
喜吾友之有補於斯民也其書雖述陳氏舊章而進退錯

綜層層清出實較勝于陳氏補前人之未備開後學之指
承此春農一大功也將與汪陳徐王諸君子而并傳不愧
也歟是爲序

光緒元年乙亥冬十月同邑弟湛溪朱曰生拜序

疫喉淺論續序

咽通六腑喉通五臟其病有內傷外感之別而內傷外感
又有寒熱之殊治之亦各有異風寒結於咽喉者溫而散
之風熱結於咽喉者涼而散之內火不足者燥之以辛熱
卽所以開其鬱內水不足者潤之以辛涼卽所以通其關
總使其氣暢痰消則咽喉之患自除此論咽喉之常病也
若夫疫喉之證吳又可瘟疫論言之甚詳則與常病不同
何也咽喉之常病感天之清邪而成咽喉之爲疫感地之
濁邪而得風寒暑溼燥火之氣天之清邪也污穢蟲蛇毒

烈之氣地之濁邪也清邪之傷人也微濁邪之傷人也甚
歲微之辨大相懸殊卽內經所謂奇恆之病其邪能遍傳
臟腑經絡不獨咽喉而咽喉之病較他症更險此夏君春
辰疫喉淺論所由作也其書論症則以口鼻受不正之氣
興二火爲患論方則以清營透邪化毒爲主按法用藥活
人甚多其羽翼前賢嘉惠後學之功良非淺鮮矣書久刊
布醫林奉爲渠臬近復詳加增益附以門弟子詮註益臻
美備故因其書之成而樂爲之序己亥八月愚弟張丙炎
拜撰

疫喉淺論序

近代言溫疫者以鞠通吳氏爲最詳而實本諸葉氏吳氏
溫病條辨言疫言痧不言喉葉氏臨證指南言疫言喉言
痧而未統言疫喉痧 先生此書明其自來窮其究竟謂
疫者役也如役使然又役者行也用也皆動象也以三焦
相火爲發源以肺胃二經爲戰場以口鼻收受疫厲不正
之氣爲賊渠其論至明且切予因得推其意而廣之夫用
藥如用兵治病如治敵古人稱要隘之地必曰咽喉然則
咽喉者誠人身之要隘也今疫厲不正之氣而發於咽喉

定要隘已爲賊渠所踞疫喉而見痧則不獨賊踞要隘抑且賊勢蔓延要隘既踞勢復蔓延當此岌岌乎殆之時自不用兵如孫吳必不能奏膚功於反掌 先生以清火化毒爲第一要着直洞見賊之伎倆雖經踞要隘而蔓延究竟不過一不正之氣譬如勝算既握自不難迎刃而解故本中所用諸方皆堂堂正正之師以至正治不正王師所至烏合立散真是擒賊擒渠手段病解之後主以清熱救陰之品又如瘡瘍甫定必掃其餘燄復其元氣而後大功乃可告成苟明乎此以之治天下不難也醫云乎哉疫喉

痧云乎哉

時

同治拾叁年歲在甲戌仲冬之月冬至後三日

鄉愚弟雨芹陳浩恩謹序

喉淺論序

喉痧一證古無專書其散見於瘍科心得繆氏筆記及
純修之爛喉痧論唐迎川之爛喉丹痧論祖鴻範之爛
丹痧治宜論等書非不各有心得惜皆語焉不詳大率
散宜清多執己見遠寒遠熱各有所偏甚矣立說之難
況疫喉痧證來勢極險變證極速且最易傳染若不辨
明精透胸中了然倉猝用藥鮮有不草菅人命者吾揚向
是證今春尤甚夏君春農郡中名醫也每診是疾輒應
手而效暇時出所著疫喉淺論一書發明歲運及司天在

之理斷爲疫由火化而一主於清透篇終附以問答反復辨論以伸其旨其有功司命豈淺鮮哉或疑是書偏於
京與時醫溫散之法不合不知經云一陰一陽結謂之
痺本屬君相二火爲病加以今歲厥陰司天少陽在泉
屬木火當令春來陰雨連綿以致濕熱薰蒸疫遏不升
爲是病 先生治法專取火鬱發之之意透表解裏之
佐以芳香逐穢清化攻下之劑必須保護真陰所謂必
歲氣無伐天和並非專以寒涼從事也若歲運與今年
同本非火淫所勝卽發爲疫喉痧證亦必與今歲有別